



Қастек Баянбай АСАР



2006

Қастек Баянбай АСАР

(Шашу)

Өлеңдер мен жаңылтпаштар



“Балалар әдебиеті” баспасы, 2006

ББК 84 (5 Қаз.) 7-4

Б 31

*ҚАЗАҚСТАН РЕСПУБЛИКАСЫ МӘДЕНИЕТ,
АҚПАРАТ МИНИСТРЛІГІНІҢ АҚПАРАТ ЖӘНЕ
МҰРАFAT КОМИТЕТИНІҢ БАҒДАРЛАМАСЫ
БОЙЫНША ШЫҒАРЫЛЫП ОТЫР*

Қазақ балалар поэзиясының көрнекті өкілі Қастек
Баянбайдың “Aсар” атты бұл кітабына оның соңғы
жылдары жазған жаңа шығармалары енгізіліп отыр.

Баянбай Қ. .

Өлеңдер мен жаңылтпаштар

“Балалар әдебиеті” баспасы. –2006. –144 бет.

ISBN 9965-650-63-2

Б 4702250201
00 (05)-06

ББК 84 (5 Қаз.) 7-4

ISBN 9965-650-63-2

© Баянбай Қ., 2006

© “Балалар әдебиеті” баспасы, 2006

Қастек Баянбай жарты ғасырға жуық шығармашылық ғұмырында қазақ балалар поэзиясының асыл қорына айтарлықтай үлес қости. Оның қаламынан туған “Атай неге солақай”?, “Қол шатыр көтерген он батыр”, “Тәтті сабак”, “Бір қоржын жаз” сияқты кітаптарын жас үрпактарымыздың бірнеше буыны оқып-жаттап өсті. Белгілі шебердің ауыз әдебиеті үлгілеріне үйлес, ұлттық бояуы қанық, өрімі берік өлеңдері мен ертектері, астары терең азыздары мен дастандары, жүзіктей жұмыр жұмбақтары мен жаңылтпаштары жас оқырманның ой өрісін кеңейтіп, қиялына қанат бітірді.

Көптеген көркем туындылары мектеп оқулықтарына, қосымша көмекші құралдарға, әртүрлі антологияларға еніп, орыс, украин, өзбек, белорус, өзірбайжан, түрікмен, тәжік, эстон, латыш, литван, молдаван, қырғыз және басқа халықтар тілдеріне тәржімеленді, бірсыныра өлеңдеріне әндер жазылып, ертектері бойынша мультфильмдер түсірілді. Таңдамалы шығармалары “Әсем әлем”, “Той”, “Жұз жыл жаз” деген аттармен бірнеше дүркін қайыра басылып шықты. Әдеби жылдың үздік кітабы ретінде “Тәтті сабак” жинағына Ілияс Жансүгіров атындағы сыйлық берілді.

Қalamгердің орыс тілінде жарық көрген “Богатыри под дождем”, “Зайчик в очках”, “Юрта” атты жинақтары бұрынғы бүкіл Одақ оқырмандарына тарады.

Ақын аударма ісімен де ұзбей айналысып келеді. Ол орыс ақындары Сергей Михалковтың, Агния Бартоның, Зинаида Александрованың, молдаван ақыны Григоре Виерудың, түркмен ақыны Қайым Тәңірқұлиевтің, саха ақыны Семен Даниловтың, тағы басқа замандастарының тандаулы өлең, ертектерін ана тілімізге аударды.

“Асар” атты бұл басылымға ақынның соңғы жылдары тұған жана шығармалары енгізіліп отыр.

АСАР

Ағасы үй жұмысын
Қауымдастып жасарда,
“Қолы женіл” інісін
Шақырады асарға.

Бұлар асар дегенді
Асығу деп үғады.
Бірі сұртіп еденді,
Бірі ыдыс жуады.

Өздеріне белгілі
Мұндай шұғыл асарды
Кейде аға,
Кейде іні
Кезектесіп жасайды.

Білетін өз бағасын
Батыл іні сасар ма,
“Алтын басты” ағасын
Шақырады асарға.

Анық аға екені,
Қайтарсын ба меселін.
Асарлатып екеуі
Шығарады есебін.

АЯҒЫ АУЫР ЖЕҢГЕМНІҢ

Аяғы ауыр женгемнің,
Көп еркелей бермеймін.
Тыныш қана жүремін,
Жайлап қана сөйлеймін.

Ойнайық деп келгеннің
Барлығына ермеймін.
Қара қойды қалжалық
Суарамын,
Жемдеймін.

Әдетімен кейде елдің,
Ұл туғаны жөн деймін.
Оқасы жоқ қыз болса,
Оны да жек көрмеймін.

КҮЗ

Қалғиды қыр қурайлы
Күтіп қыскы үйқыны.
Күні бойы тынбайды
Қайтқан құстың қиқуы.

Сары тоғай сайдағы
Терісіндей тұлқінің.
Жаз келгендей жайдары
Асыр салып жүр тиін.

ЕҢБЕКТІҢ ЕҢ ТӘТТІСІ

Көрсетейін бір көмек,
Отырғанша үйде деп,

Бардым алша теруге,
Алға қарай кимелеп.

Келдім екен көмекке,
Бос жүруім керек пе.
Теріп сала бастадым
Алшаны ақ шелекке.

Күлім қағып қабағым,
Алшаны ұзіп аламын.
Ұсағын сап шелекке,
Ірісін жей саламын.

Бәсендерді енді екпін,
Бірақ тағы термекпін.
Ең тәттісі осы екен
Мен білетін еңбектін.

Аз болды ма көмегім,
Көп болды ма жегенім,
Күн төбеден ауғанда
Зорға толды шелегім.

ҚЫРЫҚ СЕРКЕШТІҢ ХИКАЯСЫ

Өркешіндей түйенің
Өсітсің ғой, жиенім.
Құрғамайтын қүйрығың
Боқташақтың бірі едің

Қалындықтың қойнында
Қалғитындаій болдың ба?
Тағы есіңе салайын,
Қырық серкешің мойнымда.

Сенсөң егер сен маған,
Ештеңеге болма алаң.
Серкештерің аман жүр
Жар басында ойнаған.

Ерке бұланқ сен едің,
Тисін саған көмегім,
Бәсіреңнің барлығын
Өзім бағып берейін.

Ойласаң өз жайынды,
Қинама жас жанынды.
Қырық серкешті бағудан
Қарға баққан қайырлы.

Тыркыратып дәл бүгін
Айдаң кетпе барлығын.
Арасынан солардың
Өзің таңдал ал бірін

Басып көріп желкесін,
Әкетсең бір бөртесін,
Менде тағы қалады
Отыз тоғыз серкешің.

Жаңа жылда шауып кеп,
Тағы бірін алыш кет.
Аузы-мұрның майланып,
Қаласың бір қарық бол.

Алдайтындаң баланы,
Қын емес санағы,
Екіншісін әкетсең,
Отыз сегіз қалады.

Сөйтіп, мені ептейсін,
Далада тер тәкпейсің.
Тыныш жатып үйінде
Қырық жыл бойы ет жейсің.

Тауыссаң қырық серкені,
Тоғаярсың сен тегі.
Көрі жиен боларсың,
Нағыз жуан желкелі.

Аман жетсек сол күнге,
Қартаярмын мен мұлде
Әдетіңмен сонда сен
Серке сұрап кеп журме.

Бөседі өстіп нағашым,
Өсіріп өз бағасын.
Бірақ барлық айтқанын
Шындей көріп қаласың.

Жоқ өзінің бір лағы,
Не қураған тулағы.
Жарты ғасыр болыпты
Алматыда тұрғалы.

КӨКТЕН КЕНЕ ЖАУА МА?

Биылғы жаз жаңбырлы,
Дала жасыл шалғынды.
Егін бітік етекте,
Төскейдегі мал күйлі.

Көк белесте бөгелек,
Қойнау толы көбелек.

Көрінбейді демесен,
Көбелектен кене көп.
Болады екен бұл неме
Далада да,
Үйде де,
Қолтығында әркімнің
Бұғып жатыр бір кене.

Жабағының жалына,
Ботақанның шабына
Қадалады шегедей
Тойғанша әбден қанына.

Қалың кене қайда да,
Қамап алған айнала.
Құндіз-түні маза жоқ
Адамға да,
Малға да.

Еріксізден енді жұрт
Жайсыздыққа көндігіп,
Кене жауған жаз осы,
Дейтін болды сендеріп.

Кене жауды дегенге
Тіпті бала сенер ме,
Бақыраштай басында
Болса ақылы егер де.

Таң нұрындей сары ала
Сөule шашып далаға
Көктен жұлдыз жаумаса,
Көктен кене жауа ма?

МЕН ОРТАНШЫ БАЛАМЫН

Мен ортаншы баламын,
Оннан асып барамын.
Мен ағама інімін,
Ал ініме ағамын.

Кейде аға,
Кейде іні
Болу маған белгілі.
Өз басынан өтпесе
Түсінбейді ел мұны.

Барлық аға атаулы
Болады ғой қаһарлы.
Жалқауды зыр қактырып,
Сайратады мақауды.

Сондай менің ағам да,
Корқам тура қарауға.
Бірақ қолы бармай жүр
Әзір мені сабауга.

Жұмыстарын ең жаман
Тапсырады ол маған.
— Сен көмекшім боласың,
Қасымда отыр,— дейді ағам.

Іні болған құрысын,
Бітпейді бір жұмысың:
Алмассын деп ауасы,
Желдетемін үй ішін.

Өтектеймін өрдайым
Жейдесі мен шалбарын.

Абайсызда өтекке
Талай күйді бармағым.

Іздегенін мен оның
Лезде тауып беремін.
Іштей біліп отырам,
Тағы да не керегін.

— Қайда менің портфелім?
— Қайда есеп дәптерім?
— Қойып едің қай жаққа,
Қаламымды тап менің!

Осы менің күндегі
Еститінім үйдегі.
Сабағынан ағамның
Босамайды бір қолы.

Кейде оқуын ауырлап,
Отырады уайымдал:
— Сабағымды сен қашан
Бере аласың дайындал.

Сайтан мініп мойнына,
Жалқау қылып қойды ма,
Барса дейді мектепке
Біреу менің орныма.

Бірақ оның қиялы
Тек осымен тынады.
Нән боқшасын асынып,
Үйден жайлап шығады.

Куанамын сол кезде
Аға болып мен лезде.

Арқаланып кетемін,
Адамға ұқсап енді өзге.

Ойға батып ағаша
Отырған да тамаша.
Қайтер екен дегендей,
Інің қорқа қараса.

Аға болған жаман ба,
Ұнайды бұл маған да.
Ойдағындың барлығын
Орындаіссың табанда.

Ұқсайды інім ондайда
Үрейі ұшқан торғайға.
Әлде ағалар шетінен
Ашулы деп ойлай ма.

— Тапсырма сол бүтінгі,
Құрт үйдегі шыбынды!—
Деп бүйірам ініме,
Сәл қатайтып ұнімді.

Шыбын көрсе шүйіліп,
Желпуішін үйіріп,
Тұсіреді еденге
Кейбіреуін бір ұрып.

— Жаман емес қарқының,
Жетер осы, жарқыным.
Біраз ойнап қайтайық,
Текке өтпесін жарты күн.

Айта салған мұны аяп
Осы сөзге “уралап”,

Секіреді қуаныш,
Тerezеге бір қарап.

Несіне енді тұрамыз,
Сыртқа атылып шығамыз.
Қалың топқа қосылып,
Ала допты қуамыз.

Бірдей аға, іні де,
Кім қарайды түріне.
Айналамын мен енді
Көп баланың біріне.

Топырлайды бала көп,
Тыптырлайды ала доп.
Ойнағаным артық қой
Отырғаннан аға бол.

БОЛАТ ПЕН ҚОНАҚ

Қалғып кеткен қонақты
Болат келіп ояты:

— Байлап қойған жаңағы
Атың қашып барады!

Күдіктеніп бір түрлі
Қонақ сыртқа ұмтылды.

Атты көріп байлаулы,
Қонақ қатты таң қалды.

Бұғып қалған баланы
Шыр айнала қарады.

Алдар Көсе сияқты
Таба алмады суайтты.

Мініп кетсе сайтанға,
Ол жуырда қайтар ма.

ТОЙБОЛДЫНЫҢ ТӨРТ ҚОЛЫ

Отырса да Тойболды
Партасында шеттегі,
Елге тыным бермейді
Ербендеңен төрт қолы.

Сызғылайды бір қолы
Сыры көшкен партаны.
Ұрғылайды бір қолы
Алдындағы арқаны.

Ал үшінші қолымен
Тырнайды бір желкені,
Ал төртінші қолымен
Бір шекеге шертеді.

Бұлдірерін тағы не
Біледі оның төрт қолы.
Тыйым салу бәріне
Мүмкін емес, өйткені.

Басқармаса қолдарын,
Бұл сабагын оқымас.
Ойлау үшін ол жайын
Керек шығар екі бас.

ҚАҢБАҚТАР

Даланың аңындағы
Қауқиған қаңбағы.
Үрлеген қарындағы
Бірақ бар салмағы.

Қазанның дауылы
Қасқырдай шапқанда,
Қашады барлығы
Қойнауға,
Шатқалға.

— Ұшарын жел біліп,
Қонарын сай білген,
Қаңғыбас,— дейді жүрген
Далада жай жүрген.

Белгілі бұл жайды
Баяндау себебім,
Ұшқалақ ұлдарды
Ұялтсам деп едім.

Қағысып,
Алысып,
Ауса да қай жакқа,
Қабырғам қайысып
Көрген жоқ қаңбакқа.

Кейбір ұл, мысалы,
Қаңбактай болады:
Қанатсыз ұшады,
Құйрықсыз қонады.

Безгенде еркінше
Бәріне шыдайды.
Күн өтіп,
Жел тисе,
Төсекке құлайды.

Даланың қаңбағы
Кезеді жапанды.
Баланың қаңбағы
Шарлайды шаһарды.

ДЕЙ САЛАМ

Дәптерімді ақтарып,
“Үштерімді” көрсө анам,
Әуре болмай ақталып:
— Кешіріңіз,— дей салам.

Қайтіп жақсы үлгерем,
Жетілмесе ой-санам.
Мұғалімге күнде мен:
— Кешіріңіз,— дей салам.

Ала қашып добымды
Достарымнан қоршаған
Бұзамын да ойынды:
— Кешіріңдер,— дей салам:

Қыстың күні ызғарлы
Қырдан зулап қол шанам,
Қағып кетсе қыздарды:
— Кешіріңдер,— дей салам.

Бітпейді ісім бастаған,
Киял жүйрік,
Қол шабан.
Мұны байқап қалса атам:
— Кешіріңіз,— дей салам.

Әкем шытып қабағын,
Әдетіме болса алаң,
Мен сыпайы баламын:
— Кешіріңіз,— дей салам.

ТЫРНА, ТОТЫ, ТОҚЫЛДАҚ

1

Тырна, Тоты, Токылдақ
Оқиды бір сыныпта.
Киын екен отырмак
Козғалмай қу сырықта.

Дала безер Тырнаның
Ала бөтен мойны ұзын.
Серайтіп қос сирағын,
Шолатындай жер жүзін.

Қарап күнде сағатқа,
Мектебіне беттейді.
Кіріскенде сабаққа
Сенетіні тек мойны.
Құрық мойны “екіден”
Құтқарудың тапты ебін.
Шолып шығар шетінен
Достарының дәптерін.

Қысылғанда осы оның
Ойлап тапқан амалы:
Кім шығарса есебін,
Бұл көшіріп алады.

Ұстазын көп қинағы,
Сүрініп әр сынақтан,
Оң құлақтан құйғаны
Ағады сол құлақтан.

2

Тақылдаған Тотының
Бар сенері — құлағы.
Пысықтамай окуын,
Қаңқу сөзді қуады.

Көйлегі көк,
Уайым жок,
Бойын сылап бұландар,
Күшік болып шәуілдеп,
Мысық болып мияулар.

Кербез құстың түлегі
Келемеждең кейде елді:
Сақылдап кеп күледі,
Тақылдап кеп сөйлейді.

Не естісе құлағы,
Аузы соны айтады.
Жұртты мезі қылады
Мағынасыз айқайы.

Ұстаз оны оқытып,
Қоссам дейді санатқа.

Қайдағыны қоқытыш
Отырады ол сабакта.

3

Болады екен өркімнің
Шығаратын бір шіі.
Кетірді әбден қадірін
Тоқылдақтың тұмсығы.

Олақ самғап үшуга
Осынау құс тырнақты.
Тұмсығының үшінда
Қайласы бар сияқты.

Тастай қатты малтаны
Шағып жатқан баладай,
Алдындағы партаны
Тоқылдатар аямай.

— Қираттың ғой партаны
Тұмсығынмен жаңқалап!—
Деп достары айтады
Күніне он қайталап.

Баулығанмен ел қанша,
Оңдырмас ол оқуын,
Қашан мұлде қойғанша
Парталарды шокуын.

Құстың бәрі саналы
Білім қуған топырлап.
Бірақ өлі жабайы
Тырна, Тоты, Тоқылдақ.

ДӘУ ЕМЕН

Атағы асып ауылдан,
Аймағына жайылған,
Бар еменнің бабасы
Осы шығар, шамасы.
Келе жатқан ел оны
Түстік жерден көреді.
Биіктігі жүз құлаш,
Шындаі мәнгі мызғымас.
Бұтактары түйіскен
Бұғылардай сүзіскен.
Қақтаған күн жалыны
Қалың қөндей қабығы.
Жапырағы жайқалған
Сипалайды арқаңнан.

Жасын ешкім білмейтін,
“Баяғыдан тұр” дейтін.
Бала кезде сары ауыз
Өрмелепті бабамыз.
Жалаң аяқ Жамбыл да
Паналапты жаңбырда.

Сонау жылы бір ғалым
Санап бұтақ-бунағын,
Қасып көріп қабағын,
Басып көріп тамырын,
Жүріпті жаз айында.
Дәу еменнің маңында.
Үш жүз жасқа толғанын
Анықтапты сол ғалым.

* * *

Кілең ойын қуғаны,
Осы ауылдың үлдары
Жиналады әр күні
Сол еменге өйгілі.
Ағашты бір айналып,
Бұрынғыша таң қалып:
— Қалыпты сөл жуандап,—
Десе бірі қиялдап,
Сенімсіздеу сөзге осы
Өре тұрып өзгесі,
Үдеп үлдар айқайы,
Басталады дау тағы.
— Ағаштардың бір түнде
Жуандауы мүмкін бе?
— Жуандаса бір елі,
Онысын кім біледі.
— Ал азырақ бойы өссе,
Байқалады емес пе.
— Қарап қана бойына,
Білу қын оны да.
— Төбесі көк тіреген
Өсе қоймас бұл емен.
— Қарайық та шалқайып,
Қанша өскенін байқайык.
— Қалыпты деп жуандап,
Анау тағы тұр алдап.
— Егер ешкім сенбесе,
Өлшеу керек, ендеше.

— Өлшегеннен не шығар,
Тұсінсейші осылар!
— Айтыспайық енді көп,